


# FAKAT MLADI

ODLAZE

IZLAZE



## KRATKI VODIČ ZA MEDIJE



VIJEĆE MLADIH  
FEDERACIJE BiH



OMLADINSKI SAVJET  
REPUBLIKE SRPSKE  
YOUTH COUNCIL OF REPUBLIC OF SRPSKA



VIJEĆE MLADIH GRADA MOSTARA  
VIJEĆE MLADIH OPĆINE MOSTAR  
VIJEĆE MLADIH ŽUPANIJE HERCEGOVINA  
VIJEĆE MLADIH ŽUPANIJE UNAS

**Krovne organizacije za mlade u BiH: Vijeće mladih Federacije BiH, Omladinski savjet RS te Vijeće/Savjet mladih Brčko distrikta BiH** provode zajedničku kampanju **Fakat mladi** ođlaze izlaze, sa ciljem da utičemo na što više kandidata na listama političkih stranaka u BiH, a posebno mladih, da se potrebe mladih na lokalnom nivou vrata na agendu političkih stranaka i njihovih programa.

Obzirom da glas mladih nije uvijek dovoljno prepoznat i da vrlo često nismo u mogućnosti da dobijemo odgovore od političkih subjekata u Bosni i Hercegovini vjerujemo da u partnerstvu sa vama to možemo postići.



**VIJEĆE MLADIH**  
FEDERACIJE BiH



**Vodeći se zakonskim rješenjima u BiH** (Zakon o mladima FBiH, Zakon o omladinskom organizovanju RS i Zakon o mladima BD BiH) koja vrlo jasno govore o obavezama institucija vlasti na lokalnom nivou, trenutnim stanjem i onim što vidimo kao moguća rješenja u svrhu realizacije naše kampanje odlučili smo da kroz četiri oblasti pokušamo približiti kandidatima ono što može biti od velike važnosti za mlade u njihovim zajednicama.

- **Strateški pristup mladima**
- **Budžet za mlade**
- **Prostor za mlade**
- **Učešće mladih i komunikacija mladih i institucija vlasti**



## ZAKON PREDVIĐA Strateški pristup mladima

Zakonska rješenja kažu da sve lokalne zajednice u BiH moraju kreirati strategiju prema mladima/lokalnu omladinsku politiku. Ovaj dokument je važan jer je zasnovan na potrebama i problemima mladih te treba dati perspektivu za rješavanje istih. Samo kroz izradu strateških dokumenata mladim ljudima se mogu ponuditi trajna rješenja i programi za unaprijeđenje njihovog statusa u društvu.

## TRENUTNA SITUACIJA

Najčešće, u praksi, lokalne zajednice nemaju usvojene omladinske politike/strategije prema mladima, a kada imaju rijetko ih prate akcioni planovi i adekvatna budžetska izdvajanja.



## Pitanja od interesa za mlade:

1. Šta kandidati/kinje smatraju najvećim izazovima u svojoj zajednici, a kojima bi trebalo pristupiti strateški?
2. Da li kandidati/kinje nezaposlenost vide kao najveći problem mladih u njihovoj zajednici ili postoji neki drugi problem? Da li se ti problemi mogu strateški posmatrati?
3. Kako i na koji način kandidati/kinje dolaze do informacija o potrebama mladih u njihovoj zajednici?
4. Da li su kandidati/kinje imali priliku da do sada učestvuju u kreiranju neke javne politike?

## TRENTNA SITUACIJA

U većini slučajeva za mlade se izdvajaju sredstva u sklopu postojećih budžetskih stavki namijenjenih čitavoj zajednici te se mladi ne posmatraju kao grupa od posebnog društvenog značaja, a tamo gdje je to slučaj radi se o iznosima koji ne mogu odgovoriti na stvarne potrebe mladih.

## ZAKON PREDVIĐA Budžet za mlade

Zakonska rješenja predviđaju postojanje ukupnog budžeta za mlade, a koji obuhvata nekoliko segmenata poput projekata mladih, stipendija, fonda za mobilnost i sl. Često se izdvajanja svedu na troškove prijevoza učenika, stipendija, knjiga i sl., a što svakako ne bi trebalo biti jedino izdvajanje za mlade u zajednici.



## Pitanja od interesa za mlade:

1. Smatraju li kandidati/kinje da se mladi kao kategorija moraju posebno prepoznati kroz budžet lokalne zajednice?
2. Gdje kandidati/kinje vide nedostatke u pogledu izdvajanja sredstava za mlade, analizirajući postojeće budžete, smatraju li da budžeti odgovaraju na potrebe mladih?
3. Da li bi u budućem radu i budžetskom planiranju nastojali uključiti mlade u sam proces i na koji način?
4. Kada sebe stavite u poziciju mlade osobe, šta mislite da bi trebalo biti financirano iz budžeta ili dijelom budžeta, a trenutno nije?

## ZAKON PREDVIĐA Prostor za mlade

Svaka zajednica je obavezna obezbijediti adekvatan prostor za rad sa mladima, a koji može biti otvorenog ili zatvorenog tipa.



## TRENUTNA SITUACIJA

Mnoge lokalne zajednice ovu zakonsku obavezu odluče ispuniti ustupanjem manjeg kancelarijskog prostora za rad pojedinačnih organizacija. Centri za mlade kao višenamjenski prostori u kojima su zaposlena stručna lica za rad sa mladima, što je evropska praksa, su rijetkost.

## Pitanja od interesa za mlade:

1. Da li su kandidati/kinje upoznati da li u njihovoj zajednici imaju aktivne omladinske organizacije, lokalna vijeća mladih/omladinske savjete?
2. Ukoliko jesu, da li imaju informaciju koliko tih organizacija ima obezbijeđen prostor za rad? Da li bi obezbijeđivanje kancelarijskog prostora zadovoljilo potrebe rada sa mladima?
3. Da li kandidati/kinje smatraju potrebnim obezbjeđivanje prostora za mlade i da li potencijalno isti i vide u svojim zajednicama?
4. Da li je kandidat/kinja imao/la priliku da u svom odrastanju boravi i radi u prostoru za mlade, da li poznaje bar jednog/u omladinskog/u radnika/cu?

## TRENUTNA SITUACIJA

Većina lokalnih zajednica u BiH ima formirane komisije za mlade pri općinskom/gradskom vijeću/skupštini, ali tek nekoliko njih je u iste uključilo predstavnike omladinskih organizacija ili vijeća/savjeta mladih. U velikom broju zajednica i dalje nemamo službenike za mlade.

## ZAKON PREDVIĐA Učešće mladih i komunikacija mladih i institucija vlasti

Svaka zajednica u BiH je obavezna da ima Komisiju za mlade te da u rad iste uključi mlade (predstavnike vijeća/savjeta mladih, omladinskih organizacija). Takođe neophodno je da lokalne institucije vlasti odrede službu/osobu koja je nadležna za pitanja mladih, i komunikaciju sa njima.



## Pitanja od interesa za mlade:

1. Smatra li kandidat/kinja da se mladi dovoljno konsultuju oko pitanja koja se tiču mladih?
2. Na koje sve načine kandidat/kinja smatra da se mladi mogu uključiti u život zajednice, mimo zakonom propisane komisije za mlade?
3. Prepoznajete li neke grupe mladih ljudi koji nisu dovoljno uključeni ili su zapostavljeni u životu lokalne zajednice? Ako da, šta je potrebno poduzeti da se isti uključe?
4. Da li bi kandidat/kinja nakon što bude odabran/a na poziciju za koju je kandidovan/a održavao/la redovne konsultacije sa predstavnicima mladih i na koji način?

# FAKAT MLADI

ODLAZE

IZLAZE



VIJEĆE MLADIH  
FEDERACIJE BiH



OCPC  
ОМЛАДИНСКИ САВЈЕТ  
РЕПУБЛИКЕ СРПСКЕ  
YOUTH COUNCIL OF REPUBLIC OF SRPSKA



САВЈЕТ МЛАДИХ БРЧКО ДИСТРИКТА БИХ